

Euskal presoak gose greban

Arizkurennek 46 egun daramatza gose greban eta jarraitzeko asmoa agertu du

«Paris eta Madril Arizkuren hiltzeko zain al daude?», galdetu dute AABek

H. Gorostiaga- A. Iartza / Baiona-Donostia

Jose txo Arizkuren preso nafarrak, ospitalean egon arren, gose grebarekin aitzina jarraitzeko asmoa azaldu die senide eta abokatuei. Hala, gaurkoa 46. eguna izango du gose greban. Arizkurennek 25 kilo galdu ditu, 47 kilo baino ez ditu pisatzen, eta baraualdiaren luzea ikusita, edozer gauza gertatzeko arriskua du.

JOSETXO ARIZKURENEK 45. eguna bete zuen atzo gose greban. Parisko Hotel Dieuko erietxean dagoen presoendako alderdi berezian, bi poliziak zaindurik, perfusioaren laguntza ukatu zuen preso iruindarrak atzo berriz ere, eta gose grebarekin aitzina segitzeko xedea agertu zuen. 47 kilorekin, bere ohiko pisua baino 25 kilo gutiago zeuzkala ohartarazi zuen Txaro bere arrebak.

Julen Zelairain Amnistia- ren Aldeko Batzordeen eledu- nak Paris eta Madril jar- ra salatu zuen: «Arizkuren hiltzeko zain ote daude?», galdetu zuen. «Euskal gizarteak bere nahia zein den agertu du. Aitzitik, bi gober- nuek ez dute inolako asmorik euskal herritarren eskubide- rik errespetatzeko. Jarrera horrek euskal gizartearen erantzuna merezi du», azpi- marratu zuen.

Gisa horretan, larunbate- an Baionan egitekoa den manifestaldira deitu zuen.

Gaillotek eta Abeberrik ezin izan dute Josetxo Arizkuren bisitatu

■ ARIZKURENEN arrebak eta Jon Enparanzak Jose- txo Arizkuren bisitatzeko parada izan bazuten ere, horiekin batera zeudenei ez zieten sartzen utzi: Ja- ques Gaillot apezpikuari, Jakes Abeberri Miarritzeko auzapeordeari eta Nikolas Padrones Koordinaketako kideari.

Bezperan bi oren luzez egon ziren telefonoz Koor- dinaketako kideak Justizia Ministerioarekin bisita an- tolatzen. Baina Justizia Ministerioak zein Hotel



JOXE LACALLE

Presoen aldeko manifestazioak Hego Euskal Herriko campusetan. Ikasle Presoen Aldeko Ekimenak deituta, manifestazioak izan ziren atzo. Besteak beste, Leioan 250 ikasle bildu ziren, Donostian 150, Iruñean 50etik gora, Deustun 25, Irakasle Eskolan 40 eta Ingenieritzan 25.

Paula Garciak greba utzi behar izan du

Hamabost eguneko grebaren ostean, Paula Garcia presoak gose greba utzi behar izan du, osasun arazoak direla medio. Paula Garcia abenduaren 12an Gasteizko Santiagoko ospitalera eraman behar izan zuten pixaren erretentzioa zela eta. Lau orduz frogak egin ostean berriro espetxera eraman zuten, eta gose greban aurre- ra jarraitu zuen. Baina, ara- zoa areagotu egin denez, atzo protesta utzi zuen.

Bestetik, hilabeteko gose grebak eraginiko ondorioez apur bat suspertu ostean, Kepa del Hoyo presoak atzo era- man zuten ospitaletik espe- txera. Hala ere, oraindik, Arizkurenez gain, beste bost presok ospitalean jarraitzen dute: Mikel Egibar, Jose Luis Gallastegi, Angel Figueroa, Sotero Etxandi eta Xabier Etxebarria.

Azken preso hau Basauriko funtzionarioekin izan liskar baten ostean eraman zuten ospitalera, konortea galdu os- tean. Hala, atzo Senideek ja- kinarazi zuten, Basauriko

espetxean berriro ere modulo normaletara eraman dituzte preso guztiak, eta haiek gose eta egarri greba utzi dute. Se- nideek gertaera gogor salatu nahi izan dute, izan ere, Etxe- barriaz gain beste hainbat presok ere zauriak izan zituz- ten; horietako zenbait, gaine- ra, gose greban dira. Presoek gertatutakoagatik salaketak aurkeztu dituzte.

Bestetik, espetxeetan pro- testa ekintzek jarraitzen dute prozesuan parte hartzea gal- degiteko. Hala, Herrera de La Manchán plantoa egin zuten astelehenean.

Txaro Arizkurennek anaia animoso ikusi du, baina kezkatuta dago oso

■ TXARO ARIZKUREN Jose- txo Arizkurenen arrebak atzo oren bateko bisita egi- teko parada izan bazuen ere, heldu den larunbate- an iragarrita zegoen bisita- rik ez du izanzen familiak, atzo erietxeko zaindarien Txaro Arizkureni adierazi ziotenez. «Ni bertan geldit- zeko poltsa prestatuare- kin joan naiz erietxera, baina ez didate han geldit- zen utzi. Are gehiago, larunbateko bisitarik ez dugula izanzen adierazi didate».

Hala ere, pozik agertu zen neba ikusirik. «Argal- duta ikusi dut, baina ani- moz beterik. Erietxean be- re osasun egoeraren berri ematen diote Josetxori, eta berak perfusiorik nahi ez duenez, ez dute horretara behartu. Ahul baina gogo biziz dago», adierazi zuen. Hala ere, «45 eguneko gose grebaren ondoren gerta da- kiokenaz beldur» direla ai- tortu zuen sendiak. «Baina berak oso argi du zertan eta zergatik ari den», gehitu zuen arrebak.

Preso grebalarien alde egiteko eskatu dio EHk Europako Parlamentuari

Koldo Gorostiaga europar- lamentarioak urgentziazko gai gisa preso gose grebala- rien alde egiteko eskatu zion Europako Par- lamen- tuari. Gorostiagak gose grebalarien eta batez ere Arizkurenen egoera azaldu zuen. Duela 18 urte Irlan- dan Sands eta beste 10 preso gose grebaren ondo- rioz hil ostean Erresuma Batuko Gobernuak eskae- rak onartu zituela gogora- tu zuen, eta orain gauza bera gertatu beharrik ez izatea eskatu zuen. Beran- du baino lehen Espainia eta Frantziako gobernuak preso- en eskaerak onartzea beharrezkotzat jo zuen.

Iruñean herenegun atxilotu zazpi gazteak aske utzi dituzte

Iruñean herenegun preso- en alde egindako protesta ekintzetan atxilotutako 7 gazteak aske utzi zituzten atzo, kargurik gabe, epai- learen aurrean pasatu eta gero. Bi Nafarroako Ospi- talean zintzilikatu ziren Sotero Etxandiri elkarta- suna adierazteko. Beste hiru UPNko balkoian kate- atu ziren, eta beste biak PSNko egoitzakoan. AABek Nafarroak paira- tzen duen «polizia-jazarpe- na» salatu du, aste hone- tan jadanik 12 lagun atxi- lotu baitituzte. Hortaz, larunbatean, 19:30etan, Gaztelu plazan elkarreta- ratzera deitu du.

Xabier Etxebarriak Bilboko EH eta EAKo zinegotzien bisita jaso du

Xabier Etxebarria presoak Bilboko EHko Lander Etxebarria eta Dabi Alon- so eta EAKo Jose Manuel Uribarri zinegotzien bisita jaso zuen atzo. Zinegotziek «hobetotxoago, baina oso ahul» ikusi zuten presoak. Lander Etxebarriak adie- razi zuenez, «gure aldetik ahal dugun guztia egingo dugu Basaurin jazo zena argitzeko eta funtzionario- ak euskal preso- en aurka oldartu izana salatze- ko». Arabako hautetsi talde bat ere Txagorritxuko ospita- lera abiatu zen bertan dauden presoak bisitatz- era, baina haiekin egotea eragotzi zieten.